



Broj: 07-25-sl/12
Sarajevo, 09.04.2012.godine.

SKUPŠTINA KANTONA SARAJEVO
SLUŽBA ZA SKUPŠTINSKE POSLOVE
-O V D J E-

PREDMET: Odgovor na zastupničku inicijativu

Na Jedanaestoj Radnoj sjednici Skupštine Kantona Sarajevo, održanoj dana 30.01.2012. godine u okviru tačke Dnevnog reda "Poslanička pitanja, inicijative i odgovori", zastupnik Hadžem Hajdarević pokrenuo je inicijativu:

"Da se organizuje proslava Svjetskog dana voda i da se upriliči akademija pod pokroviteljstvom Kantona Sarajevo i da to bude 22.marta na dan voda. U tom smislu bi bilo dobro organizirati radnu sedmicu voda u Kantonu Sarajevo i to da bude svake godine u drugoj sedmici mjeseca maja, gdje bi bilo obavljeno čišćenje, uređenje vodotoka, predavanje o zaštiti voda, stručne radionice i druge aktivnosti, osobito kada su u pitanju školska i studentska omladina. Tu bi trebali da budu uključeni grad, općine, mjesne zajednice, sve škole u Kantonu Sarajevo, pravni subjekti, nevladine organizacije, mediji i ostali i da svako da onoliko koliko je u mogućnosti. Sve aktivnosti bi vodio poseban organizacioni odbor bez ikakve naknade. U tom smislu, molim da se o tome povede računa i da ova inicijativa bude prihvaćena u mjeri u kojoj razumijevamo ozbiljnost pitanja vode i životnog prostora".

Odgovor:

Institucije koje su nadležne za poslove upravljanja vodama u Federaciji BiH, koordiniraju svoje aktivnosti preko nadležnih agencija za vodna područja i to Agencije za vodno područje rijeke Save sa sjedištem u Sarajevu i Agencije za vodno područje Jadranskog mora sa sjedištem u Mostaru.

Za razmatranje sistemskih pitanja upravljanja vodama kao i razmatranje različitih potreba i interesa, te predlaganje mjera za razvoj i poboljšanje upravljanja vodama na vodnim područjima uspostavljena su Savjetodavna vijeća.

Savjetodavna vijeća su uspostavljena za oba vodna područja, a u sastav vijeća ulaze predstavnici Vlade Federacije, predstavnici pripadajućih kantona, predstavnici korisnika voda, zatim predstavnici naučnih institucija koje se bave problematikom voda i zaštitom okoliša, te predstavnici nevladinih organizacija sa pripadajućeg vodnog područja.

U sastavu Savjetodavnih vijeća za vode imenovani su predstavnici Kantona Sarajevo, kao i predstavnici korisnika voda, nevladinih organizacija i naučnih institucija sa područja Kantona Sarajevo, koji svojim učešćem u radu vijeća doprinose razvoju sektora voda i integralnom upravljanju vodama.



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1



Agencije za vodna područja, kantoni, Savjetodavna vijeća za vode za oba vodna područja i nadležne institucije iz Republike Srpske koordiniraju svoje aktivnosti oko obilježavanja Svjetskog dana voda.

Naime, shodno prethodno dogovorenom, obilježavanje Svjetskog dana voda u 2010. godini održano je u Sarajevu, obilježavanje u 2011. godini održano je u Trebinju, a obilježavanje u 2012. godini održano je u Mostaru.

Sredstva za realizaciju planiranih aktivnosti u povodu obilježavanja Svjetskog dana voda, obezbjeđuje organizator manifestacije.

U Kantonu Sarajevo, nadležnosti oko upravljanja i korištenja vodnih resursa podijeljene su na dva ministarstva i to: Ministarstvo prostornog uređenja i zaštite okoliša i Ministarstvo privrede.

Sve aktivnosti koje bi se planirale povodom Svjetskog dana voda, trebale bi biti koordinirane i usklađene sa aktivnostima koje se provode na nivou Bosne i Hercegovine, a u koje bi trebali biti uključeni svi nadležni organi i drugi zainteresirani subjekti u Kantonu Sarajevo.

Također za odvojenu manifestaciju obilježavanja Svjetskog dana voda, koja bi bila organizirana na području Kantona Sarajevo, potrebno je obezbijediti i finansijska sredstva.

Ministarstvo privrede Kantona Sarajevo podržava navedenu inicijativu, kao i sve druge programske aktivnosti koje imaju za cilj zaštitu vode kao nezamjenjivog prirodnog resursa.

MINISTAR

Dr Rusmir Sendić

Dostavljeno:

- Naslovu
- Evidencija



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226

[Sarajevo, Reisa Džemaludina Čauševića 1](#)

